



**A**Ntyrius ille in Scythia ad Tanaim fluuiū natus, & ab Amazone quadā bellicosa muliere educatus fuit. Itaq; factū ut corporis & animi fortitudine inter suos conspicuus fuerit. Cū is adoleuisset, bellorū cupidus, Alexandri magni castra secutus, ordines duxit, & res sibi commissas fortiter administravit ita ut Alexandro & ceteris ducibus charissimus fuerit. Cum autē Alexander esset mortuus, atq; principes ipsius inter se de regno cōtenderent, Antyrus harū contentionū ciuiliū pertæsus, circa annū mundi 640 in Scythiā rediit. Ibi peregrinandi studio incitatus, socios collegit, atq; cū ijs per Sarmatiā in Germaniā penetrauit, ac ad Vi-

adrū fluuiū confedit. Eius itaq; loci incolas breui beneuolentia aut minis sibi subiecit, atq; Herulorū & Vandalorū genti magna prudētia & fortitudine pre fuit. Inde enim olim Heruli in Scythiā profecti fuerant. Itaq; modo Antyrū ex Herulis oriundū eo libentius susceperunt, atq; suū regē constituerunt. Habebat is in suis armis bouis caput, in memoriam Bucephali generosi Alexandri equi, quod hodierni duces Megalopolenses, qui ijs in locis præsunt, etiamnum retinent, & ob suum conditorem conseruant. Nauem etiā suam parte anteriori aureo Grifhone in ceruleo clypeo existente ornat. Itaq; Vandalorum duces eius successores, eadem insignia magna gloria sequentibus temporibus suis uictorijs celebres passim circumduxerunt.